









1594.

Lettres d'un François
POUR LA PRE-SEANCE
du Roy de France contre
le Roy d'Espagne.



A PARIS,
Par Mamert Patisson Imprimeur du Roy.

M. D. XCIIII,

4721

Case

F

39

326

1594 L

THE NEWBERRY
LIBRARY



MONSIEVR, l'ay leu ce discours Italien, que m'escriuez venir de Rome, & courir maintenant par Paris, pour la preſeance du Roy d'Eſpagne contre le Roy. Quiconque en eſt l'autheur, il ſemble fort retenir du terroir qu'il veut defendre: autrement il n'eult tant exalté Athanarich, lequel exerça ſi cruelles perſecutions contre les Chreſtiens, teſmoignees par Iſidore Eueſque de Seuille, & par Roderich Archeueſque de Toledé: & fit tellement enraciner l'Arrianisme par tout le pays qui eſtoit de ſon obeiffance, que le tronc en demeure encore en pluſieurs endroits, meſmes en ceux d'où nos Rois ne l'ont arraché. Auſſi peu eult-il mis en jeu Alarich pour le ſac de Rome, non gueres moins cruel que celuy fait du tēps de nos peres, par ceux qu'il luy donne pour ſucceſſeurs,

& pour auoir planté son heresie Arrienne en Italie, où elle a esté maintenue par Aistulphe, & autres Rois Gotz, tant & si lōg temps, qu'elle n'en fut extirpee par les François. Je me rapporte à vous, si quand nous estions ensemble à Rome, ou à Trente, l'on tenoit son axiome pour catholique, que les Papes ne regardent qu'à leur propre & particulier interest, & que la donation faicte par les Rois de France au saint siege Apostolique, des droicts, terres & seigneuries specifiees en la confirmation de Loys Debonnaire, recitee par plusieurs Historiens affidez, mesmes par aucuns Italiens, fut pour certains Papes seulement, & pour leur particulier. Mais soit cest escriuain Catholique & Romain: l'ancienne splendeur de nos Rois, qui sont entre les autres (dict le Balde) comme l'estoile du iour au milieu d'une nuee venant du Midy, ne peut estre obscurcie par tels broüillars. Car de tout temps & ancienneté ils ont eu telle preeminence par tout le monde, que parlant simplement du Roy, l'on a entendu le nostre, ainsi que Sudas anciē auteur Greca pieça escrit, & Boniface de Vitalinis auditeur de la Rote,

tesmoigne cela auoir encor esté commun
& ordinaire à Rome de son temps. Et de
faict Hincmar, qui a transcrit il y a huit
cens ans, la vie de saint Remy d'un autheur
du siecle, dict que certaine couronne d'or
vouee à saint Pierre par le Roy Clouis, y
ayant esté enuoyee, fut appelee par le Pa-
pe Hormisda, comme par excellence, R E-
G N V M. Je laisseray à part ce que Proco-
pius secretaire de Belissaire remarque,
qu'autres Rois que les nostres, ny mesmes
celuy de Perse, ne pouuoient faire battre
monnoye d'or marquee de leurs effigies: &
que celle des rois de France auoit cours
par tout l'empire Romain: ce qui se peut
recognoistre par les constitutions mesmes
des Empereurs Leo & Maiorian. Mais ie
ne puis obmettre ce que tant d'autres e-
strangers ont remarqué, que non sans
tresiuste cause ce grand Pape S. Gregoire
a iugé & escrit, que le Roy de France sur-
passoit d'autant tous les Rois des autres
nations, que la dignité Royale excelle par
dessus les autres hommes. Et son succes-
seur Estienne 3. de ce nom, que la braue
nation Françoisse reluist par dessus toutes
autres: comme aussi le Balde dict, que les

bannieres de France marchent les premières, sur lesquelles autre Roy ne peut pretendre auantage d'honneur: & que les Rois de France portent la couronne de liberté & de gloire par dessus tous autres. Cè que nous representent encor les anciens tableaux, où tous les Rois Chrestiens sont peincts ensemble, qui se voyent par l'Italie, Allemagne, Angleterre, Espagne, & autres lieux. Et n'est memoire qu'au parauant le desordre de ces derniers iours, & la confusion que l'auarice & l'ambition ont mise entre les choses plus sacrees, ceste pre-scance de nos Rois aye esté reuouee en doute: & ne l'est encor de present par les princes & potentats, qui ne sont transportez de passion trop particuliere: lesquels leur ont tousiours deferé le premier honneur sans contredict, iusques à auoir esté seuls honorez par les Empereurs anciens de Constantinople, du tiltre d'Auguste, qui leur est demeuré, voire & celuy mesmes d'Empereurs, ainsi que tesmoignent les historiens, & qu'il se peut voir par les chartes de Dagobert, Loys le Gros, Loys le Jeune, & autres. Aussi par les prouinciaux de toutes les Eglises cathedrales

de la Chrestienté cydeuant imprimez à Rome le Roy de France est mis le premier des autres Rois, estant fuiuy par le Roy d'Angleterre, puis par celuy d'Espagne: & n'y a que l'Empereur de Rome, & celuy de Constantinople (le nom duquel monstre assez l'ancienneté de ce rang) qui le precedent en cest ordre.

Imperatores Christianorum.

Imperator Romanorum,

Imp. Constantinopolitanus.

Reges Christianorum.

Rex Francorum,

Rex Anglie,

Rex Castellæ & Legionis, &c.

Ce qu'Alberic de Rosaté, Aluarot, & autres Docteurs estrangers, & non François, tesmoignent auoir aussi leu à Rome, ou liure ancien intitulé, *Liber Romanæ Ecclesiæ*, & estre confirmé par la Martinienne. Et se peut encor voir en celuy intitulé par eux, *Registrū Romanæ Curie*, qui porte ces mots, *Sequitur de regibus Christianorum. Et sunt quidam coronādi, & quidam non. Illi qui coronandi sunt, debent inungi, & illi habent priuilegium. Videlicet, Rex Francorum Christianissimus coronatur, & ungitur.*

Rex Angliæ coronatur, & ungitur.

Rex Castellæ non.

Rex Legionis, &c.

Lequel ordre aussi se trouue és anciens conciles : & fut suiuy sans contredict de nostre siecle ou synode tenu à Rome sous les Papes Iules 2. & Leon 10. & depuis par tout le consistoire des Cardinaulx. Comme aussi les Anglois nos anciens ennemis: (qui quitteroyent les cinquante mil escus, dont parle ce discoureur, pour vn rouge maraueidis) l'ont tousiours recogneu : ainsi que tesmoigne frere Matthieu, religieux du monastere S. Alban de Londres, sous Henry 3. de ce nom, Roy d'Angleterre, disant, *Rex Frācorum, regum censetur dignissimus.* Encor aujourd'hui és tiltres de leurs pretensions ils postposent le nom de leur propre pais à celuy de France. Et est tout notoire qu'en l'an 1555. au chapitre tenu la veille de S. Georges par les Cheualiers de l'ordre de la Jarretiere, fust arresté, que le Roy de France retiendrait sa place au costé droit du chef de l'Ordre, comme le plus apparent lieu : & le Roy d'Espagne, encor qu'il eust espousé Marie leur Roïne, demoureroit à gauche. Ce que depuis

depuis a esté confirmé par diuers actes, sans auoir eu esgard à sa pretenſion: de laquelle il fut auſſi debouté par tout le Senat de Venize l'an 1558. & nagueres, lors meſmes que la ligue contre le Turc fut faiſte par ladite ſeigneurie avec ſa ſaincte-
té, & luy. Auſſi en la difficulté qui ſe preſenta à Calais, en Septembre l'an 1521. entre le Roy de France, où ſes Ambaſſadeurs & Charles dernier de ce nom, lors eſleu Empereur, la preſeance de noſtre Roy contre ledict Charles comme Roy d'Eſpagne, ne fut reuoquee en doubte. Mais bien mōſieur le Chancelier du Prat maintint que le Roy de France ne deuoit laiſſer de le preceder, encores qu'il fuſt eſleu Empereur. Et ne ſe trouuera aucun ceremonial, qui porte autre preſeance d'Eſpagne: ſinon qu'entre les quatre nations, l'Eſpagnole eſt la derniere, comme eſtant nouuellement faiſte Chreſtienne. Et de faiſt l'an M. cccclxxx. Ferdinand 5. de ce nom, priſt le tiltre non de Roy d'Eſpagne Catholique, ou de Roy Catholique ſimplement, mais de Roy Catholique d'Eſpagne, pour eſtre diſtinct ſeulement des autres Rois d'Eſpagne Ar-

rians, ou Sarrazins. Lequel tiltre luy fut confirmé par le Pape Iules 2. en l'an 1512. ainsi que dient les escriuains de sa nation. Mais le tiltre & qualité de Christianissime a esté de tout temps approprié à nos Rois, voire dès & depuis Clouis iusques à present: comme se voit par le testament de saint Remy, par les Conciles d'Orleans, Mayence, Aix, & autres: & par les Decretales d'Estienne 2. Paul 1. Estienne 3. Adrian 1. Nicolas 1. Iean 8. Innocent & Honoré 3. où ils sont ainsi appelez, non seulement pour estre oincts de l'huile celeste, mais aussi pour auoir esté & estre l'vnique asyle & refuge des Papes affligez, & le mur inexpugnable de la Chrestienté, comme les appelle Honoré 3. ou (comme dit vn autre Pape) la trouffe & le carquois, d'où Dieu desploye ses traiçts, pour se soumettre, & conseruer en son obeissance les autres nations. Dequoy leur reste encor entre plusieurs autres remarques d'honneur, ceste cy, que tous les chefs d'ordres anciens des monasteres, sont en leur Royaume, & sous leur protection. Aussi ne se peut nier sans impudéce manifeste, que par leur moyen le Christianisme

a esté ou planté, ou remis, ou maintenu, tant en Italie, Allemagne, Angleterre, Escoce, & Hespagne, qu'en la plus part du Levant: où encor aujourd'hui tous Chrestiens sont appelez François, & compris sous ce nom comme catholique. Les Espagnols mesmes en leur particulier reconnoissent par leurs escrits, que la foy Chrestienne fut replantee iusques à Cordoue par Charlemagne, qui fit assembler vn synode à Compostelle: où fut ordonné que l'Eglise de S. Iaques seroit la premiere de toutes les autres de Gallice & d'Espagne, qui vsent encor à present du Psautier Gallican. Alcuin en vne epistre dit que ceste conquête de Charlemagne en Espagne, fut de trois cens mil d'estendue du long de la marine. Et Eynard son Chancelier, ou secretaire, tesmoigne qu'Alfonse lors Roy de Gallice & de las Asturias se tenoit tant obligé & redevable à ce prince, qu'il ne vouloit estre appellé autrement en son endroiçt, que *proprius suus*, comme il parle en Latin du temps. Encor aujourd'hui se retrouuent quelques vnes des requestes presentees par ce peu de Chrestiens, qui restoit lors en Espagne,

tant à ce Roy, qu'à Loys Debonnaire son
 fils, pour auoir recours & secours d'eux en
 leur affliction. Et les prouisions qui en furent
 sur ce ottroyees, sont telles que leur poste-
 rité ne les peut nier ou dissimuler sans
 note d'une tresgrande ingratitude. Que si
 tant de changemens & de princes, & de
 religions, excusent en cest endroit leur
 ignorance du passé: au moins doiuent ils
 apprendre, pourquoy les Euesques non
 seulement de l'Assen-d'Vrgel, de Vich-
 d'Alsonne, & d'Elna, mais aussi ceux de
 Gironne, & de Barcelonne, ont esté si long
 temps suffragans de l'Archeuesque de
 Narbonne, & l'ont recogneu comme leur
 Metropolitain: & quand, & comment ils
 en ont esté distraits. Pourquoy aussi les
 Arragonnois en toutes leurs chartes &
 instrumens datoyent le temps par les an-
 nees des Rois de France, iusques au conci-
 le tenu en la ville de Tarragonne, sous
 l'Archeuesque Berenger, l'an de nostre
 Seigneur 1180. ainsi que leurs historiens
 mesmes tesmoignent: & pourquoy encor
 ils retiennent en Arragon ce beau mot de
 Franchise par les priuileges des Rois de
 France, qui leur ont conserué ce peu de

liberté qui leur reste, au grand creueccœur des Castillans.

Mais ce que i'ay dit & en general & en particulier, se pourroit plus amplement verifier par les conciles & decretales des Papes, & par les historiographes de chacun temps, aussi par les bastimens à la Françoisé, & fondations des Eglises & monasteres de toute la Chrestienté: si ce n'estoit peine perdue de s'aheurter plus auant contre celuy, qui veut persuader que le Soleil prend sa clarté de la Lune, ou de quelque comete errante. Comme aussi de refuter ceste plaisante imagination, Que puis qu'en quelques cartes cosmographiques l'Espagne est peinte comme l'un des chefs de la terre: par consequent le Roy d'Espagne doit estre le premier du monde. Aussi peu d'apparence y-a il, sous ombre de supposer que Athanarich estoit fils de roy, & roy d'Espagne Chrestien, auparauant que Pharamond fust roy de France, que nostre Roy doit estre priué de son ancienne prerogatiue d'honneur. Cōme si Ascarich, Gaifo, Mellobaudes, Marcomir, Sunno, & autres mentionnez par les anciens escriuains Romains, n'estoient

Rois des François, ou qu'Athanasius n'eust esté le premier des Rois Gots, lesquels ont encor esté electifs long temps apres. Tant s'en faut qu'il fust nay de Roy, comme ce discoureur suppose à sa fantasie, contre ce qu'en escriuent Isidore, Roderich, & autres chroniqueurs Espagnols: qui monstrent aussi au doigt & à l'œil, que les guerres contre les Maures ont tousiours esté defensives seulement de la part des Chrestiens d'Espagne, iusques à Ferdinand 5. Depuis lequel temps si ses successeurs ont secouru le Pape, comme vassaux, à cause du Royaume de Naples & Sicile (en laquelle qualité ils sont tenus porter l'estendart deuant luy:) ou mesmes à cause de celuy d'Espagne, que le Pape Gregoire 7. maintenoit estre tenu en fief du saint siege (ainsi qu'il se trouue par son registre) ou bien s'ils ont aidé les Venitiens, & autres potentats d'Italie, ie m'en rapporte au sac de l'an 1527. qui arresta le son des cloches d'Espagne: & à la guerre des années 1556. & 57. sans parler autrement pour ceste heure de Sienn, Plaisance, Petilian, Foyan, Genes, Luques, Mantoue, Parme, Ferrare, Vrbain, & du Mar-

quisat de Final . Je m'en rapporteray aussi à l'entreprise sur Corfou, & aux comptes à rendre de toute la despense auancee par ladite Seigneurie de Venise, laquelle en fin trouua estre plus expedient de faire paix avec le Turc par l'interuention de l'Ambassadeur, que nos Rois tiennent deuers luy pour le bien & profit commun de toute la Chrestienté.

Et ne faut point que pour surhausser la maison du Royd'Espagne on la face monter sur la teste, ou sur le ventre de nostre Roy, les predecesseurs duquel regnoient en France long temps auparauant que le chastel d'Habsburg fust basti: les fonde-mens en ayans esté premierement iettez par Werner, qui estoit Euesque de Strasbourg l'an 1027. comme se verifie clairement par la fondation de l'Abbaye de Mure non loin d'illec, qui le porte par exprés. Et de faict, Otto, Adelbert, & Vuer-nerd fils de Radeboth, frere dudit Euesque, furent les premiers qui prindrent la qualité de Comtes d'Habsburg: ainsi qu'il est deduit par la genealogie de ceste maison, trouuee entre les chartes dudit Monastere, se continuant de pere en fils, ius-

ques à Rudolphe d'Habsburg: lequel ayāt
 esté Maistre d'hostel, quoy que soit serui-
 teur d'Ottocar de Boheme, qu'il tua de-
 puis de sa propre main: & s'estant mis à la
 suite de l'Archeuesque de Mayence, s'en-
 tretint si auant en ses bonnes graces au
 voyage qu'il fit à Rome, qu'à son retour il
 fut fait par luy Empereur, outre & contre
 la volonté de tous les autres Princes: com-
 bien qu'il fust de peu de moyens, ainsi que
 tesmoignēt Albertus Argentinensis, Ioan-
 nes Vitoduranus, Ricordano Malespini,
 Giouan Villani, Raphaël Volaterran, Al-
 bert Crantz, Iean Abbé de Tritechem,
 Antonin Archeuesque de Florence, &
 mesmes le Pape Pie 2. & autres. Si que de-
 puis ledit Archeuesque se vanta souuent
 par rîsee, qu'il portoit des Empereurs en
 son cornet, qu'il auoit pendu à son col al-
 lant par les champs, à la façõ des seigneurs
 & gentilshommes du païs. Et ne se peut
 desnier, que tous les Royaumes, Duchez,
 Marquisats, Comtez, terres, & seigneu-
 ries, qui sont de present en ceste maison,
 sans rien excepter que le chastel d'Hab-
 spurg, n'y soient entrees depuis l'auance-
 ment & le trop bon mesnage dudit Ru-
 dolphe,

dolphe, par acquests ou conquests de la lance de chair, comme dict d'eux certain Poëte Allemand. Et principalement par mariages avec quelques filles de seigneurs de France, dont elle retient encor de present entre autres tiltres celuy du Royaume de Hierusalem, conquis par les François, & plusieurs autres Duchez & Comtez qu'il n'est besoin de vous particulariser quant à present. Tant y a que ce n'a point esté sans cause qu'on a dict depuis par forme de proverbe; Que la maison d'Autriche estoit la maison D'autrui riche. Mais quoy qu'il en soit la tres-chrestienne, tres-sacree, tres-noble, & tres-excellente Couronne de France n'est point, graces à Dieu, & ne fut oncques de ce chef, & n'y peut le roy d'Espagne iustement pretendre droit tant petit soit, par toutes les ouuertures de ce discoureur: duquel toutesfois l'intention principale ne semble auoir eu autre but, que cestuy-la: & neantmoins avec si peu d'apparence, que quand tout ce qu'il suppose la plus-part contre verité, luy seroit accordé pour autre qu'il n'est, la seule loy du Royaume, que nous appellons par tradition de nos peres, S A L I Q V E, engra-

uee au cœur des bons François, seroit suffisante pour en arrester & la maxime, & la consequence.

Et pource qu'un traict de vostre main à l'endroit où ce discoureur semble vouloir reuoyer en doute ceste loy & coustume, m'a fait penser que vous, qui n'estes naturel François, desirez estre esclarcy de ce poinct: Je vous ay bien voulu donner quelques heures de ceste matinee pour vous extraire aucuns lieux, qui me sont venus en memoire, d'escriuains hors de tout soupçon pour ce regard, & pour la plus-part mal-affectonnez à ceste Couronne: qui monstrent neantmoins clairement, que ceste loy, quelque nom qu'on luy vueille donner, est nee avec le Royaume, qui a ja graces à Dieu subsisté par le moyen d'icelle l'espace de douze cens ans & plus: & surpassé non seulement en preeminence & grandeur, mais aussi en âge & duree, toutes les autres Monarchies & Royautez depuis le commencement du monde. Suiuant laquelle loy, a esté de tout temps gardé & tenu pour tres-certain & inuiolable, que tant & si longuement qu'il se trouue des Princes issus du sang & ligne

de nos Rois, ce Royaume leur est entiere-
ment affecté & deferé *ipso iure*, comme
dient les legistes : sans que les filles, & les
descendus d'elles y puissent aucunement
succeder, ny transporter par ce moyen la
Couronne en Princes estrangers.

Du liure du Sacre & couronnement
des Rois de France, extraict de l'ancien
Pontificat de l'Eglise Metropolitaine de
Rheims.

*Dum Rex ad solium venerit, Archiepiscopus
ipsum collocet in sede, & dicat Archiepiscopus:
Sta, & retine à modo statum, quem huc vsque
paterna successione tenuisti, hereditario iure tibi
delegatum per auctoritatem Dei omnipotentis.*

Agathias ou liure premier de l'histoire
qu'il a escrite mil ans font, & qui est en la
bibliotheque Vaticane à Rome:

Οὕτω μὲν οὖν οἱ φερέγχοι ἄετα βιοῦντες σφῶντε αὐτῶν ἔ-
τι μὲν περὶ σοικῶν κρατῆσι· παῖδες ἔκ πατέρων τὴν βασιλείαν
ἐλαδέχοντο.

Διαδέχεται ὅ τινὲς ἀρχὴν Θεοδοσίου οὐ παῖς, ὃς δὲ εἰς τὴν
νέος μὲν κομίδῃ, καὶ ἐπὶ ὑπὸ πατρὸς κομῶν Θεωδόσιος, ἀλλ'
ἐκ ἀλλῆ γὰρ ἀρτὸν εἰς τὴν ἡγεμονίαν ὁ πάτερμος νόμος.

Theophanes en sa Chronique, qui est aussi en la Vaticane.

Ἐδοξ γὰρ ὡς τοῖς φερόμενοις τὸ κύριον αὐτῶν, ἢ τοι πὸν ῥήμα καὶ γένος ἀρχεῖν.

Georgius Cedrenus en son abbrege de l'histoire vniuerselle.

Ἰσόρηται δ' ὅτι ἔδοξ ὡς πὸν ῥήμα φερόμενος καὶ γένος ἀρχεῖν.

Saint Gregoire le Grand, Pape, en vne sienne Homilie sur l'Euangile des Rois.

In Francorum terra Reges ex genere prodeunt.

Anastasius bibliothecaire du Pape Adrian 2. & Landulfus Sagax en l'histoire par eux escrite.

Genti Francorum moris est dominum, id est regem secundum genus suum principari.

Nodgerus Euesque du Liege en la vie de S. Landoalde escrite par luy l'an 980.

Francorum regnum à sui principio semper infatigabile, &c. Maximum autem accepit incrementum, & firmum sub eo sancta Dei Ecclesia statum, cum Clotharius rex iusta successione Clodoueo quartus monarchiam singulariter trium regbat regnorum. Et toutesfois Childebert auoit laissé deux filles.

Flodoardus en l'histoire de l'Eglise Metropolitaine de Rheims, en la vie del' Archeuesque Foulques, sous le chapitre des lettres qu'il escriuit de son temps à quelques Princes.

Annectit etiam quod in omnibus penè gentibus notum fuerit, gentem Francorum, reges ex successionem habere consueuisse, proferens super hoc testimonium beati Gregorij Papæ, supplicatque ne sceleratis hic rex acquiescat consilijs: sed misereatur gentis huius, & regio generi subueniat decedenti. satagens vt in diebus suis dignitas successionis suæ roboretur, & hi qui ex alieno genere reges existere cupiebant, non præualerent contra eos quibus ex genere honor regius debebatur.

Innocentius 3. en vne epistre decretale escrite aux Prelats de France.

Nec illud humillimum omittimus, quod Theodosius statuit Imperator, & Karolus innouauit, de cuius genere Rex ipse noscitur descendisse. Il entend Philippes Auguste Dieu-donné.

Charles 4. de ce nom Empereur, fils de Iehan Roy de Boheme, en sa vie:

Eodem anno obiit Carolus Francorum Rex, relicta uxore prægnante, quæ peperit filiam. Et cum de consuetudine regni, filiæ non succedant, prouentus est Philippus filius soceri mei in regē Fræciæ,

quia propinquior erat heres in linea masculina.

Albertus Argētinēsis en sa Chronique.

Cum Francia à nullo haberi dicatur in feudum, quamuis è contrà nullus per femininam lineam successisse dicatur.

Messire Iean Froissart partisan d'Angleterre, ou 4. chap. du 1. volume de ses hist.

Le Roy Philippes nommé le Bel de France Roy, eut trois fils, &c. & furent tous trois Rois de France, apres la mort de Philippes leur pere par droicte succession legitime l'un apres l'autre, sans auoir aucun hoir masle de leur corps engendré par voye de mariage: si qu'apres la mort du dernier Roy, Charles, les douze Pers & les Barons de France ne donnerēt point le Royaume à leur sœur, qui estoit Roine d'Angleterre: Pourtant qu'ils vouloient dire & maintenir, & encores veulent, que le Royaume de France est bien si noble, qu'il ne doit mie aller à femelle, ne par cōsequēt au Roy d'Angleterre son aîné fils. Car ainsi comme ils veulent dire, le fils de la femelle ne peut auoir droict ne succession de par sa mere venant, là où sa mere n'a point de droict. Si que par ces raisons les XII. Pers & les Barons de France don-

nerent de leur commun accord le Royau-
me de France, à Philippes neuueu iadis au
beau Roy Philippes de France deffusdit.

Lequel iugement des Pers & Barons est
mesmes recogneu par Edouard 3. de ce nō
Roy d'Angleterre, escriuant au Pape & au
college des Cardinaux pour le droict par
luy pretendu. Ce qu'aussi escrit certain hi-
storien du temps, en ce Latin: *Obeunte inhu-
matoque Carolo Pulchro orta est quæstio non mo-
dica, quis in regno de ipsius progenie proximior
existeret ad succedendum. Affirmantibus qui-
busdam Anglicis Eduardum, eo quod proximior,
scilicet nepos regis. Tandem opinionibus & alter-
cationibus sopitis, per Principes & regni sapientes
conclusum fuit & vnanimiter determinatū, quod
regnum eo quod de consuetudine & statutis eius-
dem, in genus femineum descendere non valebat,
comiti de Valesio Philippo pertinere debebat.*

Esteuan de Garibay y Camalloa Espa-
gnol parlant de cela mesme ou 16. chap. du
26. liure de son histoire, dict,

*Porque Philipe conde de Valoes descendia de la
corona real por linea masculina, fue coronado por
Rey di Francia por virtud de la ley Salica. Al rey
Eduardo por descender de linea de muger excluye-
ron de la succession real, &c. Aunque todas ellas*

razones d'Eduardo enaden y excluyen los Franceses con ley Salica, que en estos dias yua tomando grande vigor y fuerça para los siglos futuros.

Baldus sur la loy 1. du tiltre de *Senatoribus* és *Digestes*, & Petrus Iacobus sur le tiltre de *Causis ex quibus vasall.* &c. ou liu. des fiefs.

Filia regis Francorum non succedit in regno ex rationabili consuetudine Francorum.

Ce mesme docteur Baldus sur le tiltre de *fendo Marchiæ*, ou liure des fiefs.

Si moreretur tota domus regia, & extaret vnus de sanguine antiquo, puta de domo Borbonia, & nō esset alius proximior, esto quod esset millesimo gradu, tamen iure sanguinis & perpetuæ consuetudinis succederet in regno Francorum. Ce qui a aussi esté suiuy par Martinus Laudensis, Iacobinus de sancto Georgio, Guillelmus de Monte-ferrato Catelan, & plusieurs autres. Mais cela suffira pour ce coup sil vous plaist, reseruant à vous en dire dauantage quand nous aurons ce bien de nous reuoir de plus pres, ou que i'auray plus de loisir. Cependant ie vous supplie de m'excuser, & me tenir tousiours en vos bōnes graces.

Priant Dieu

Monsieur, Vous donnet bonne & longue vie.





















